

Supervizor za Brčko imenovao nove vijećnike u Skupštini Brčko Distrikta

Kao odgovor na poziv supervizora političkim strankama, udruženjima i pojedincima da izraze interes za prijavljivanje svojih kandidata na vijećničko mjesto u Prijelaznoj skupštini Brčko Distrikta, imenuju se sljedeća četiri vijećnika:

Ivica Ageljić, NHI

Marija Arslić, SDP

Anto Basić, nezavisni kandidat

Tatjana Mitrović, nezavisni kandidat

Nakon pažljivog i iscrpnog procesa odabira kandidata, OHR je ubijeđen da će imenovani vijećnici najbolje doprinijeti da raznovrsni stavovi budu zastupljeni u Skupštini Distrikta, posebno kada je riječ o mladim ljudima u Distriktu. Svi su se obavezali da će uložiti napore kako bi ojačali veze između vijećnika i stanovnika Brčko Distrikta.

Ukupno petnaest političkih stranaka, sedamnaest pojedinaca i tri udruženja predložili su kandidate čije su prijave detaljno pregledane. U obzir su uzeti kvalitet prijave, iskustvo i potencijalno biračko tijelo. Vodilo se računa i o polu kandidata s obzirom na suštinsku ulogu žena u budućnosti Brčko Distrikta.

Supervizor za Brčko čestita novoimenovanim vijećnicima i izražava svoje ubjeđenje da će u obavljanju svojih dužnosti služiti zajednici Brčko Distrikta vođeni jedino svojom savješću, Statutom Distrikta i interesima svih ljudi.

Za detaljnije informacije molimo vas da se obratite Suzani Pejčić, glasnogovorniku OHR –Sjever putem telefona 049-205-666 ili 066-133-526.